




Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 551 225; Fax: 033 551 226  
E-mail: nasastranka@nasastranka.ba  
Web: www.nasastranka.ba



**Dr. Dennis Gratz**

Zastupnik u Predstavničkom domu Parlamenta Federacije Bosne i Hercegovine

Broj: 009/16  
Sarajevo, 12.05.2016.

**Dostaviti:**

Bosna i Hercegovina  
Federacija Bosna i Hercegovina  
Parlament Federacije BiH – Predstavnički dom  
n/r Edin Mušić, predsjedavajući

**PREDMET: PRIJEDLOG ZAKONA O IZMJENI ZAKONA O IZMJENAMA I DOPUNAMA ZAKONA O NOTARIMA FEDERACIJE BOSNE I HERCEGOVINE – ZASTUPNIK DENNIS GRATZ**

Poštovani,

na osnovu člana 179., a u vezi sa članom 163. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), dostavljam Vam **Prijedlog Zakona o izmjenama i dopunama Zakona o notarima Federacije Bosne i Hercegovine**. Predlažem da se isti razmatra po redovnom postupku.

U prilogu Vam dostavljam tekst **Prijedlog Zakona o izmjenama i dopunama Zakona o notarima Federacije Bosne i Hercegovine** sa obrazloženjem na bosanskom jeziku i elektronsku verziju istog.

S poštovanjem,

  
\_\_\_\_\_  
**Dennis Gratz**

Zastupnik u Predstavničkom domu Parlamenta Federacije BiH

Naša stranka

- Dostaviti Vladi Federacije BiH
- Dostaviti Predstavničkom domu Parlamenta Federacije BiH

**DENNIS GRATZ**

ZASTUPNIK U PREDSTAVNIČKOM DOMU

PARLAMENTA FEDERACIJE BOSNE I HERCEGOVINE

PRIJEDLOG

**ZAKON O IZMJENAMA I DOPUNAMA ZAKONA O  
NOTARIMA FEDERACIJE BOSNE I HERCEGOVINE**

**Sarajevo, maj 2016.**

Na osnovu člana 179, a u vezi sa članom 163. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", broj 69/07 i 2/08), podnosim

## **ZAKON O IZMJENAMA I DOPUNAMA ZAKONA O NOTARIMA FEDERACIJE BOSNE I HERCEGOVINE**

### **Član 1.**

U Zakonu o notarima Federacije Bosne i Hercegovine („Službene novine Federacije BiH“, br. 45/02) član 6. mijenja se i glasi:

#### **„Uvjeti za pristupanje polaganju notarskog ispita**

Polaganju notarskog ispita može pristupiti lice koje je najmanje tri godine provelo na radu kao notarski pomoćnik u smislu člana 42. stav 1. ovog zakona, ili lice koje je nakon položenog pravosudnog ispita u smislu člana 26. tačka 4. ovog zakona, radilo najmanje pet godina na pravnim poslovima.“

### **Član 2.**

U članu 26. stavovi 5, 6. i 7. brišu se.

Iza stava 4. dodaju se novi stavovi 5, 6 i 7., koji glase:

„5. da ima položen notarski ispit,

6. da protiv njega nije pokrenut krivični postupak,

7. da nije osuđivano za krivična djela protiv čovječnosti i međunarodnog prava, protiv službene ili druge dužnosti ili za drugo krivično djelo izvršeno s umišljajem, koje u vrijeme imenovanja još nije brisano iz krivične evidencije koju vodi nadležni organ.“

### **Član 3.**

Član 27. mijenja se i glasi:

#### **„Službeno sjedište, područje notara i broj notara**

Notar ima službeno sjedište i područje na kojem obavlja svoju službu.

Službeno sjedište notara je općina ili grad koje odredi vlada kantona. Broj notarskih mjesta za područje kantona određuje vlada kantona, na temelju pribavljenog mišljenja Notarske komore Federacije Bosne i Hercegovine (u daljem tekstu: Notarska komora), pri čemu na području svake općine mora biti najmanje jedan notar. Vlada kantona može donijeti podzakonski akt kojim se utvrđuju objektivni i relevantni kriteriji za određivanje broja notara na području tog kantona.

Službeno područje notara je područje kantonalnog suda. Notar može svoju djelatnost u vezi sa izdavanjem isprava obavljati samo unutar svog službenog područja, ukoliko u izuzetnim slučajevima opravdani interesi tražioca prava ne nalažu djelovanje izvan službenog područja.

Notar može imati samo jednu kancelariju za rad.“

#### **Član 4.**

Član 37. stav 2. riječi: „kao i za polaganje notarskog ispita“ brišu se.

#### **Član 5.**

U članu 39. stav 1. mijenja se i glasi:

„Potrebu za prijemom notarskog pomoćnika u notarske kancelarije utvrđuje notar, pri čemu treba pribaviti i mišljenje Notarske komore, a konačnu odluku o broju i konkursu za mjesta notarskih pomoćnika donosi kantonalni organ za upravu na prijedlog Notarske komore.“

#### **Član 6.**

Član 49. briše se.

#### **Član 7.**

Poglavlje V – OBAVEZA NOTARSKJE OBRADJE ISPRAVA briše se.

#### **Član 8.**

Član 73. briše se.

#### **Član 9.**

Ovaj zakon stupa na snagu osmog dana od dana objavljivanja u “Službenim novinama Federacije BiH”.

**OBRAZLOŽENJE**  
**PRIJEDLOGA ZAKONA O IZMJENAMA I DOPUNAMA ZAKONA O NOTARIMA**  
**FEDERACIJE BOSNE I HERCEGOVINE**

**I – USTAVNI OSNOV**

Ustavnopravni osnov za donošenje ovog zakona sadržan je u odredbi člana IV.A.20. (1) d) Ustava Federacije Bosne i Hercegovine, kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

**II – RAZLOZI ZA DONOŠENJE ZAKONA**

Osnovni razlog za donošenje ovog zakona je presuda Ustavnog suda Federacije Bosne i Hercegovine, koji je, odlučujući o zahtjevu Potpredsjednice FBiH za utvrđivanje ustavnosti člana 6. stav 2, člana 27. te člana 60. do 73. Zakona o notarima FBiH („Službene novine Federacije BiH“, broj: 42/02), a na temelju člana IV C 3. 10 (2) Ustava FBiH, nakon javne rasprave, na sjednici održanoj dana 02. 12. 2015. godine donio presudu kojom je utvrđeno da član 6. stav 1. u dijelu koji glasi „kao i osoba koja ispunjava pretpostavke iz stava 2. ovog člana“ i stav 2. istog člana, te čl. 27 i 73. Zakona o notarima nisu u skladu s Ustavom Federacije BiH.

S tim u vezi predlagač je predložio odgovarajuće izmjene i dopune Zakona o notarima FBiH, usklađujući postojeći zakonski tekst sa gore navedenom odlukom Ustavnog suda FBiH.

Ostale odredbe ovog prijedloga Zakona o izmjenama i dopunama Zakona o notarima FBiH ciljaju na unapređenje kvalitete postojećeg zakonskog teksta u odnosu na pretpostavke za izbor notara.

**III – FINANSIJSKA SREDSTVA**

Za sprovođenje ovog zakona nije potrebno osigurati dodatna finansijska sredstva u Budžetu Federacije BiH.

S poštovanjem,

  
\_\_\_\_\_  
**Dennis Gratz**

Zastupnik u Predstavničkom domu Parlamenta Federacije BiH  
Naša stranka

**DOSTAVITI:**

- Naslovu
- Vladi Federacije BiH
- Parlamentu FBiH - Predstavnički dom i Dom naroda Parlamenta FBiH
- Stručnoj službi Parlamenta FBiH – n/r predsjednika klubova poslanika parlamentarnih stranaka
- Evidencija